

«Rumper tabus – i na dat betg mo nair u alv»

Sabrina Bundi, la reportera da RTR è s'occupada cun la pedofilia en il Grischun

DA SUSI ROTHMUND/FMR

■ **Pedofilia datti dapertut, er en il Grischun. Igl è dentant in tema da tabu che resta plitost en il tschelà. Quai ha Sabrina Bundi, la reportera da RTR, vuli midar e ha discurre per sia documentaziun filmica cun differentas persunas che han tuttas ina optica differenta sin la pedofilia.**

Temas dals quals ins na sa betg tge pensar u dals quals ins ha in'opiniun uschè clera ch'ins na lascha betg balluccar interesseschan *Sabrina Bundi*. Ella ha laschè guardar mai ordavant sia documentaziun e declera: «I na dat betg mo nair u alv, er betg en la pedofilia. Ch'i dat quai er tar nus è dentant indiscutabel.» Il resultat da sias retschertgas è fitg interessant e sveglia sentiments da tuttas guisas, sco disgust, gritta u compassiun, ma er chapientscha. Ils aspectaturs survegnan er scleriment ed il meglier, l'emissiun polarisescha e quai è fitg bun. «Igl è necessari ch'i vegnia discurre da tals temas sco la pedofilia», è Bundi persvasa. Ella ha dentant constatà che quai n'è tuttavia betg simpel da discurre da pedofilia: «Quai è memia brutal e fa empaglia vitas.» I n'è tuttavia er betg simpel d'insumma chattar persunas che fan ina tala discussiun en il public. Bliers san forsa er memia pauc u na vulan gnanca savair dapli. Uschia è la dumonda, pertge ch'ins na discorra strusch da pedofilia lura er sco in fil cotschen che maina tras la documentaziun ch'è da vesair online sin *rtr.ch* a partir dals 16 d'october e dumengia, ils 18 d'october en l'emissiuns *Cuntrasts*.

Delinquent u nundelinquent?

«Igl è impurtant da savair ch'i dat pedofils delinquent e betg delinquent, ma er ch'i dat umens e dunnas pertutgads da pedofilia», punctuescha la reportera da RTR ed agiunta: «Betg scadin violader d'uffants è in pedofil e betg tuts che vuleschan uffants n'èn pedofils.» I dettia ina gronda zona grischa e quella ha Bundi empruvà d'interpretar cun agid d'ex-



La reportera da RTR, Sabrina Bundi è s'occupada intensivamain cun il tema pedofilia.

FOTO SUSI ROTHMUND

perts. Ella è dentant vegnida a la conclusiun ch'er ils experts n'èn betg adina dal medem avis. Ina da quellas persunas è *Monika Egli-Alge*, ina psicologa che lavora cun pedofils. En la terapia mussa ella co che pedofils pon ir enturn cun lur disposiziun senza tutgar en u perfin violar uffants. Uschia ha Sabrina Bundi er pudì discurre cun in pazient dad Egli-Alge, in pedofil nundelinquent. Sco Bundi ha declerà haja ella empruvà dad inscuntrar quel senza pregiudezis e quai saja reussi dètg bain. Ma er sche l'um cun la disposiziun pedofila raquinta da ses giavischs sexuals nunademplids fa quai pel giaglina. El conceda numnadamain er ch'el na possia betg dar garanzia da mai daventar delinquent. El haja dentant blier da perder e quai na vules el betg ristgar. L'um ch'ins na vesa betg en l'emissiun, ha er raquintà da sias fantasias, e quellas han

dà da patratgar fitg alla reportera. Ils buobs ch'il pedofil desiderescha en sias fantasias correspundian numnadamain vair ferma ses agen figliol. «Jau hai anc telefonà quel di a mia sora e discurre ditg cun ella», uschia Sabrina Bundi. Er cun il filmader *Roman Schmid* haja ella adina puspè gi lungs discurs per pudair magunar tut l'udi.

Act da ballantscha

Rapportar d'in tal tema da tabu è stà in act da ballantscha per la reportera da RTR: «Jau hai adina stuì avair quità da betg stigmatizar pedofils, ma er da betg bagatellisar u prender en schurmetg els.» S'inscuntrada è ella er cun l'autur *Philipp Gurt*, e cun el ha Bundi visità l'anteriura chasa d'orfans a Cuira. La è el vegnì malduvrà d'ina dunna e pli tard er d'in um. Ils detagls ch'el raquinta sveglian emozii-

uns, sco ins po vesair en l'emissiun, senza dubi er tar Bundi. Sco quai che Gurt di, èn talas experientschas in bul sin l'olma d'in uffant – in monster-tattoo. Pir sco giuvenil haja el realisà per propi quai ch'era succedì e quant sbaglià e scumandà che quai saja stà, ma anc oz haja el mintgatant dubis, sche la gliעד crai ad el. Bundi ha er envidà en il studio in publicum da test, sco spivel per la societad, e quellas persunas han guardà la documentaziun e discurre davart pedofilia. Sco quai ch'ina dunna ha punctuà a la

fin, fissi tenor ella impurtant da tematisar pedofilia gia en scola. Uschia savessan ils uffants che quai che succeda cun els saja sbaglià, ed els avessan forsa il curaschi da sa confidar pli baud ad insatgi.

Il tema pedofilia stat sin tut ils chanals da RTR en il focus (p.ex. era en il toc explicativ dal *Minisguard*). *Cuntrasts*: dumengia, ils 18 d'october 2020 sin SRF1 (Zona grischa). Online sin *rtr.ch* a partir dals 16 d'october e regularmain tema en il radio RTR dals 16 fin ils 18 d'october.

«Zona grischa»

(cp/fmr) «Pedofilia? Na, quai na datti betg tar nus...» En la documentaziun «zona grischa» da RTR discurren differentes protagonistas e protagonistas davart pedofilia en il Grischun e mussan che questa constataziun è faussa.

RTR rapporta davart ils divers aspects davent dals 16 en fin als 18 d'october 2020 sin *rtr.ch*. La documentaziun filmica è da vesair tranter auter en ils *Cuntrasts* da dumengia, ils 18 d'october) En il center stattan damondas sco: Tge è pedofilia insumma? Ina malsogna u ina disposiziun sexuala? Cura daventa in carstgaun pedofil? Quants pedofils datti tar nus en il Grischun? E co pudess ins impedir meglier che uffants vegnan malduvrads? RTR tschentà tut quellas dumondas a psicologs, a la polizia, ad in'unfrenda da violenza sexuala – ed ad in um pedofil. La dumonda è dentant era co che nus sco societad stuessan ir enturn cun il tema pedofilia.

Quants pedofils datti?

Il resultat è uschia ina documentaziun «interactiva» da la reportera da RTR, *Sabrina Bundi*, che pledenta directamain er il public a chasa ed animescha quel da far patratgs davart in tema, sur dal qual ins na vul atgnamain betg di-

scurrer. In exempel: RTR fa in quint per chattar or quants pedofils ch'i dat en il Grischun. Il quint sa basa sin stimaziuns dad in project tudestg che di che var in pertschient dals umens sajan pedofils. Dentant adatg: Pedofilia datti en differentas intensitads: in pertschient da la populaziun ha fantasias cun uffants, quai che na munta betg ch'els daventan er delinquent. Sch'ins transferecha ils quintes sin il Grischun, munta quai ch'i dat p.ex. a Mustér 2 en fin 4 delinquentes pedofils, a Savognin 1 en fin 2.

Differentas perspectives

Dentant pensar uss che pedofils sajan forsa quels tipics umens enturn ils 50 che sa schluitan enturn piazzas da gieu, fiss fallà, perquai che la documentaziun mussa er: pedofilia po tutgar mintgina e mintgin, la psicologia parta da l'idea che la disposiziun sexuala sa sviluppescha gia en il venter da la mamma. Pedofilas pon esser dal reminent er dunnas.

Sabrina Bundi ha realisà la documentaziun per RTR en il rom dal program da svilup e formaziun che la chasa da medias rumantscha porscha a *collavuraturas* e *collavuratur*.